



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Bulla Cruciatæ.

urn:nbn:de:hbz:466:1-41753

bilibus bonis Ecclesiæ illud censetur pretiosum, ita ut Prælati non possit illud alienare, quod excedit valorem 25. aureorum. Sub illis tamē rebus pretiosis prohibitis sine debitâ solennitate alienari, non comprehenduntur reliquæ Sanctorum quia non sunt pretio æstimabiles. Item potest fieri permutatio ab vnâ Ecclesiâ ad alteram sine solennitate. *Triuisan. p. 4. tr. 4. ref. 223.*

Bulla Cruciate.

1 **Q**ui scit parentem vel amicū quocumque Bullam pro se accipere, potest uti illius priuilegiis antè quàm certior fiat de Bullâ suo nomine acceptâ. *Henriq. & Villalob p. 1. tr. 11. ref. 90.*

2 Potest quis si uigratis & indultis per Bullam concessis, extra regna ubi Bulla non promulgatur; excepto esu carniū & lacticiniorum. *Rodrig. & alij 2. ibid ref. 1.* Imò etiam quoad hoc, probabile est, si breuis est absentia; quia statim reuersurus secundum ius abesse non dicitur. *p. 5. tr. 14. ref. 20.*

3 Prælati Regulares tenentur sub mortali non impedire ne subditi Bullam accipiant; possunt tamen licentiam suam limitare quoad talem, vel talem usum.

Acosta & Villalob. p. 1 tr. 11. ref. 99.

4 Valet Bulla quam meretrix de turpi quæstu sumit; quia licet turpiter faciat peccando, non tamen turpiter accipit pretium. At si ex furto sumatur, non valet vult enim Summus Pontifex hanc eleëmofynam fieri de propriis bonis. Acosta & alij 2 *ibid.* ref. 101.

5 Per Bullam Cruciatæ datur facultas eligendi Sacerdotem, qui possit sine licentiâ Parochi conferre hæc tria Sacramenta, Pœnitentiam, Eucharistiam, & Extremâ Vnctionem. Vasq. *ib.* ref. 20.

6 Potest quis per Bullam absolui à censuris, & casibus reseruatiss ante & post ipsius susceptionem incurssis. Idè dicendum de votis seu commutandis, seu dispensandis: quia verba Bullæ sunt generalia, neque restringenda. Sanchez & alij 9. *ibid.* ref. 17.

7 Potest Confessarius virtute Bullæ Cruciatæ absolui à casibus contentis in primo canone Bullæ Cœnæ: quia excipitur sola hæresis formalis. *ibi.* ref. 29. Quare absolui possunt legentes libros hæreticos, non tantè animo hæretico. De libris chiromanticis & magicis nõ est dubium, cum non sint hæretici. Sanchez & alij 7. *ibid.* ref. 30.

8 Con-

8 Confessarius per Bullam Cruciatæ potest absolvere à quibuscumque casibus Summo Pontifici reseruatiss, non semel, sed toties quoties, dummodò tamen sint occulti, quia iam non sunt reseruatiss Summo Pontifici, sed iure ordinario competunt Episcopis, vt definit Concil. Trident. Restrictio autem illa quæ est in Bulla (*semel in vitâ, & semel in articulo mortis*) posita est quoad casus publicos. Sanchez *ibid. ref. 28.*

9 Regulares non possunt sine licentiâ Prælatorum, virtute Bullæ eligere Confessarium, qui illos à reseruatiss absoluat, nisi ille confessarius sit ex deputatis ab eorum Prælatiss, ad eorum confessiones audiendas: & quia decretum Clementiss VIII. circa hoc innouatum est ab Urbano VIII. an. 1630. 19. Iun. saltem dum viuitt Urbanus, contrariũ non est probabile, nec tutum in praxi. *ibid. ref. 14. & in Addit. 3. p. ref. 9.* Imò iuxta idem illud decretum, non poterunt per Bullam Cruc. confiteri de reseruatiss etiam Confessario domus p. 4. *17. 4. ref. 43.* Nouitij tamen possunt sumere Bullam, sicut alij sæculares, non enim quoad onera censentur religiosi. Suar. & alij 4. p. 1. 17. 11. ref. 15.

- 10 Qui virtute Bullæ eligit Confessarium, & fictè confitetur peccata reservata, ita vt eius confessio sit irrita, potest à quocumque Confessario absolutionem ab illis obtinere; quia censetur reservatio sublata. Comitol. & alij 10. *ibid. ref. 18. & in Addit. p. 3. ref. 16.*
- 11 Qui peccat ob spem absolutionis virtute Bullæ obtinendæ, gaudet illius priuilegio. Idem dicendum de Iubilæo. Sanch. & alij 7 p. 1. tr. 11. ref. 16.
- 12 Nominatim denunciatus, vel publicus percussor clerici, vel alius cuius excommunicatio deducta est ad forū contentiosum, potest virtute Bullæ absolui: sed absolutio valebit tantum in foro interiori; nam debet se gerere in publico tamquam excommunicatus ad vitandum scandalum; poterit tamen priuatim Missam audire, Sacramenta recipere, &c. Sanchez & alij 3. Quod intellige de censuris ab homine latis, super quas asserit Pontifex non cadere absolutionem virtute Bullæ in foro exteriori. vnde infertur, absolutionem à censuris à iure latis, valere etiam in foro exteriori. Acosta *ibid. ref. 26.*
- 13 Per Bullam hanc possunt absolui ab excommunicatione causantes, pro-
- guantes,

curantes, vel consulentes abortum.
Henriq. & La Cruz. p. 5. tr. 9. ref. 40.

14 Qui habet Bullam Cruciatæ, non
tenetur tempore interdicti audire Sa-
crum. Quia nemo tenetur vti priuile-
gio sibi concessio; Coninc & alij 5. Si ta-
men audiat, tenetur sub veniali preces
ad Deum fundere pro vnione Principū
Christianorum ad infideles debellan-
dos. Villalob. p. 1. tr. 11. ref. 2.

15 Probabilius est per Bullam non ef-
se dispensabilem irregularitatem pro-
uenientem ex delicto: quia hæc non in-
cluditur sub nomine censura, à qua li-
cet per Bullam absolueret. Suarez & alij
21. Contraria tamen sententia Salas &
aliorum 14. probabilis est & in praxi
secura. *ibid.* ref. 27.

16 Commutatio votorum quæ fit vir-
tute Bullæ, satis est, si secundum partem
fiat in eleemosynam ad subsidium tem-
porale belli contra infideles. Sanchez.
Vota verò pauperum totaliter in subsi-
dium spiritale commutari possunt. Sua-
rez & alij 3. *ibid.* ref. 21.

17 Potest Confessarius beneficio Bul-
læ, vel lubilæi commutare vota iura-
mento firmata: quia votum & iura-
mentum censentur quasi vnum vincu-
lum.

lum. Suarez *ibid.* ref. 43. Imò & iuramenta adiuncta contractui in quo est turpitudine, & iniustitia in creditore, ut cum latro coëgit ad iuratum promissionem. Ledesm. & alij 3. p. 4. tr. 4. ref. 19. & p. 5. tr. 12. ref. 56. & 57.

18 Possunt per Bullam commutari vota post Bullam susceptam emissã. Hen. iq. & alij 2. etsi quis fecisset votũ de non petendã commutatione. Sanchez & alij 4. p. 1. tr. 11. ref. 50. & 51.

19 Ut per Bullam possint vota commutari, non requiritur alia causa; quia hoc priuilegium confertur cum onere dandielemosynam in subsidium belli contra infideles. Suarez & alij. Potest autem hæc commutatio fieri in minus bonum, alioquin nullum esset priuilegium Bullæ. Non tamen possunt per illud vota dispensari: quia maior potestas requiritur ad dispensandum, quam ad commutandum. Fernandez & alij 3. *ibid.* ref. 39. 40 & 42.

20 Peccaret Confessarius, qui sine iustã causã noller virtute Cruciatę commutare vota pœnitentis: quippe debet uti priuilegio sibi concessõ in fauorem pœnitentis. Sanchez & alij. Non ita Religiosi, si nolint virtute priuilegio-

rum

rum commutare vota, quia non obstringuntur vti priuilegiis. Sanchez & alij. Licet contrarium etiam probabiliter affirmet Henriquez & alij. *ibid.* ref. 44.

21 Si quis obstrictus voto castitatis, ad nuptias transeat, non potest Confessarius virtute Bullæ tale votum commutare, vt possit petere debitum. Sanchez *ibid.* ref. 66.

22 Per priuilegium huius Bullæ, licet in ieiuniis alicuius Iubilæi vti lacticiniis. Quia Iubilæum non requirit strictius ieiunium, quàm ieiunium Quadragesimæ. Sanch. & alij 7. *ibid.* ref. 5.

23 Regulares, & Presbyteri sæculares suscipientes Bullam, possunt diebus Dominicis Quadragesimæ vti lacticiniis. Quia secundum ius commune, dies Domini non appellantur dies Quadragesimales. Villalob. & alij. *ibid.* ref. 5.

24 Quando virtute Bullæ Cruciatæ conceditur facultas edendi carnes ex licentiâ vtriusque medici, non intelligitur, quando causa est manifesta, aut dubia, sed quando est solum sufficiens ad petendam dispensationem, non tamen ad edendas carnes absque illâ, Sancius p. 3. r. 5. ref. 70.

25 Ad lucrandas indulgentias Bullæ possunt ex vno loco quinque altaria visitari. Bonacin. & alij 9. vel si nõ fuerint quinque, idem altare erit quinques visitandum: licet alij putent non esse opus loco dimoueri, sed eodem loco fixum posse illud quinques visitare, dummodò qualibet visitatione finita, saltem corpus & caput inclinet in signum distinctæ visitationis. Nugnus & La Cruz. p. 1. tr. 11. ref. 102. & in Ad. dit. p. 3. ref. 25. & p. 5. tr. 12. ref. 16.

26 Quando non licet Ecclesiam ingredi propter turbam, potest quis consequi Indulgentias Bullæ orando præforibus. p. 1. tr. 11. ref. 103. Quod tamen intellige, quando tantum requireretur visitatio vnius altaris, non autem quando quinque altarium; tunc enim deberet eo modo visitare quinque Ecclesias. Nugnus. Imò sufficit visitare oratoriũ in suâ domo approbatum ad Missam celebrandam. Trullenc. & La Cruz. idque sæpius eodem die, vt sæpius indulgentias eas lucreris. Villalob. Oratio autem ex vi Bullæ facienda potest esse mentalis tantum. *ibid.* ref. 104. & p. 5. tr. 12. ref. 43. & 44.

27 Per Bullam lucrari quis potest
omnes

omnes indulgentias stationum Urbis Romæ, etiam plenarias. Villalob. & alij 4. Imò & sæpius eodem die, sicut lucrari quis illas potest Romæ. Villalob. & alij 3. p. 5. tr. 12. ref. 2. & 45.

28 Per Bullam lucratur quis indulgentiam plenariam semel in vitâ, & semel in morte: in bello autem quoties cõfiteretur. Villalob & Rodriq. p. 1. tr. 11. ref. 109.

29 Moribundo sensibus destituito, qui petiit confessionem, potest indulgentia Bullæ applicari. Acosta & alij. Imò et si non petierit, sufficit enim virtualis petitio: nec debet aliquem Sacerdotem in particulari ad hoc designasse. Suarez. *ibid.* resol. 108. & p. 5. tr. 3. ref. 133.

30 In articulo mortis indulgentia Bullæ est sub conditione impertienda: ita enim fieri iubet Commissarius Bullæ; vel dicat Confessarius: *Concedo tibi omnes gratias quas concedere possum virtute huius Bullæ.* Rodriq. & Fernand. Ceterum quando clericus haberi non potest, laicus potest concedere indulgentias Bullæ. Nauarr. Imò possunt absenti applicari. Trullenc. p. 1. tr. 11. r. 106. & p. 5. tr. 3. ref. 134 & tr. 12. ref. 46.

31 Per Bullam Cruciatæ suspenduntur altaria priuilegiata Conuentibus quibusdam

buldã concessã ad liberationem animarum à Purgatorio. Fernand. & Villalob. opposita tamen sententia est æquè probabilis. Trullenck *p. 1. tr. 11. ref. 86.* & *in Addit. p. 3. ref. 22.* Non suspenduntur autẽ privilegia cõcessã iure cõmuni, & consuetudine approbata. Neque Indulgentiæ Regularium, seu mendicantium, seu non mendicantium. Villalob. & alij. *p. 1. tr. 11. ref. 87. 88. 89.*

32. Si elapso anno non promulgetur nova Bulla, poterit quis frui privilegio primæ, quæad nova promulgetur. Henric. & alij 2. Et si ante elapsum annum promulgetur, poterit vti privilegio primæ, donec annus absolvatur. Saucius, & alij 2. *ibid. ref. 91. & 93.*

33. Si amicus sumat Bullam Cruciatæ nomine alterius qui iam habet, potest hic illam non acceptare, & alteri applicare. Villalob. Si autem Bulla absque culpa amittatur, vel rumpatur, vel comburatur, valere tamen docent quidam Henric. & alij 6. sed contrarium habent verba Bullæ. *ibid. ref. 95.*

34. Per clausulam Bullæ Cœnæ, vel per Iubilæum anni sancti, Bulla Cruciatæ non suspenditur: quia privilegia huius Bullæ

Bull
traç
non
las &
35 C
pen
præ
tari
vel
nun
iam
traç
non
ex h
& e
qui
vol
ibid
36
pro
surg
mo
& p
legi
hisc
cun
ctur
den
Tri

Bullæ conceduntur per modum contractus; quæ autem sic conceduntur, non censentur à Pontifice reuocari. Salas & alij 9. *ibid. ref. 96 & 97.*

35 Commissarius Cruciatæ potest dispensare super qualibet irregularitate, præterquam ratione homicidij voluntarij, aut simoniæ, vel apostasiæ à fide, vel hæresis, vel propter malam Ordinum susceptionem. Auila, & alij 3. Etiam super irregularitate publicâ contractâ ex delicto. Henriq. & alij 2. Nec non super irregularitate proveniente ex homicidio casuali: (Coninc & alij 3.) & ex iniustâ mutilatione membrorum, quia Bulla excipit tantum homicidium voluntarium. Rodriq. & Villalobos. *ibid. ref. 110. 111. & 112.*

36 Potest Commissarius dispensare pro foro conscientie, in affinitate consurgenti ex copulâ fornicariâ, in primo & secundo gradu vtriusque lineæ, & prolem susceptam, & suscipiendam, legitimam decernere, concurrentibus hisce cõditionibus. 1. vt matrimonium cum illo impedimento sit iam contractum, nec omissæ fuerint culpabiliter denuntiationes, seruataque sit forma Trid. *sess. 24. c. 1. 2. vt impedimentum sit*

fit occultum, id est, non publicum. 3. vi
 adfuerit bona fides saltem ex parte al
 terius contrahentis, ignorantis illud
 impedimentum. 4. vt coniux qui id
 ignorauit, certior fiat de prioris con
 sensus nullitate, non tamen necessario
 de impedimento nisi in genere. Sanch
 & alij. *ibid. ref. 116. 117. 118. & 119.*

C.

CÆCVS.

1 **Q**ui planè cæci sunt, vel surdi, ve
 muti, possunt tanquam personæ
 miserabiles declinare forum ciuile, &
 agere in Ecclesiastico. Nauar. & alij.
 Item sunt immunes à muneribus pu
 blicis ciuilibus, neque possunt propter
 delictum puniri pœnâ ordinariâ. *part. 1*
27. 6. ref. 30 33. & 31.

2 Cæcus potest esse fideiussor, non au
 tem muti, & surdi, nisi sponte id fa
 ciant, & non à Notario, vel alio frau
 dulenter inducti, idque præstent scri
 ptis. *ibid. ref. 29.*

Cambium.

3 **C**vm pro campfario responde
 procurator campforis, de ipsius
 campfo